

---

Ўзбекистон туманида Ватан ҳимоячилари кунига бағишланган ҳарбий-ватанпарварлик ва маданий-маърифий тадбир бўлиб ўтди

Ўзбекистон тумани Яйпан шаҳридаги маданият марказида Ўзбекистон Республикаси Қуролли Кучлари ташкил этилганининг 33 йиллиги ҳамда 14 январь – Ватан ҳимоячилари куни муносабати билан байрам тадбири бўлиб ўтди.

“Янги Ўзбекистон армияси – мамлакат таянчи, халқимиз фаҳри” шиори остидаги тадбирда туман ҳокимлиги, мудофаа ишлари бўлими, давлат ва жамоат ташкилотлари мутасаддилари, жамоатчилик вакиллари иштирок этди.

Тадбирда табрик учун сўз олганлар Қуролли Кучларимиз бугунги кунда нафақат юртимиз тинчлиги ва осойишталигининг таянчи, балки ўзбек халқи ватанпарварлиги, бирлиги ва қудратининг ҳақиқий рамзига айланганини қайд этдилар.

Маданият бўлими ва ёш ижодкорларнинг ватанпарварлик мавзусидаги куй-қўшиқ ва чиқишлари, ҳарбийлик касбини эгалламоқчи бўлган йигит-қизларнинг кўргазмали намойишлари йиғилганларга кўтаринки руҳ ва байрамона кайфият улашди.

2025-01-13 10:39:27